

այդ պատճառով ան պաշտօնանկ եղաւ Հոռոմէն. մանրամասնութիւնները տեսնել (Բմն), էջ 176—177):

**ՅՈՎՀԱՆՆԷՍ ԵՊՍ. ՀԱԼԷՊՅԻ (Halifhavar).**— Մբ. որդի Աւիր խօջայի և Կիւղխարանի. ՌՃԼԵ (=1686) թուին, Ս. Յակոբի վանքին մէջ կ'ընդօրինակէ Ներսէս Շնորհալիի Յիսուս որդի գիրքը. ձեռագիրը յիշատակ կը մնայ Ս. Յակոբի մէջ (ՄՁ. Թ. 1240):

**ՅՈՎՀԱՆՆԷՍ ԺԱՄՀԱՐԵԱՆ, ՇՈՒՇԵՅԻ.** — 1908ին ուխտաւորութեամբ կ'այցելէ Ս. Յակոբի վանքը, իր տիկնոջ Կասարիկի հետ. և այդ առթիւ Ս. Յակոբի կը նուիրէ 30,000 Պր. ի յիշատակ ծանօթ բարերար հանգուցեալ եղբորն՝ Իսահակի՝ որ 1902 Դեկտ. 15ին սպաննուեցաւ Մոսկուայի մէջ: Յովհաննէս Ժամհարեան պայման կը դնէ որ նուիրուած գումարով գնուին անշարժ կալուածներ որոնց տարեկան արդիւնքը պիտի յատկացուէր երկու տարուայ մասնաւոր դասընթացքի մը կրթական ծախքերուն, Ս. Յակոբի Ժառ. վարժ էն շրջանաւարտ ելլող այն աշակերտներուն համար որոնք պիտի հաւանէին սարկաւազ ձեռնուղբուիլ: Ժամհարեանցի այս նուիրատուութեամբ ութ մթերանոցներ շինուած են Յոպպէի մէջ: Կանոնադրուած է որ Ս. Յակոբի տաճարին մէջ Ս. Սահակ Պարթև հայրապետի տօնի օրը յատուկ ս. պատարագ մատուցուի ի հանդիստ հոգւոյ Իսահակ Ժամհարեանցի և համայն ննջեցելոց նոյն գերդաստանին. (Արձևգր. Տն. Ժողովի, նիստ հգ. 1908. էջ 198—199): Ժամհարեան եղբարք յայտնի բարեգործներ եղած են Կովկաս. հիմնած են հոյակապ հիւանդանոց մը Շուշի. եւ ունեցած են որբանոց մը Կիլիկիոյ մէջ:

**ՅՈՎՀԱՆՆԷՍ ԿԹՂ. ՍՍՈՅ, ԱՅՆԹԱՊՅԻ (fay kramjys).** — 1602—1627, Հայրը Յակոբ, մայրը Թանալ (ՄՁ. Թ. 516). աշկ. Սոսյ Աղարիս կ'թղի. որուն միջոցաւ Երուսաղէմի պարտուց վճարման համար հաւաքուած գումարէն Յովհաննէս Այնթապցին 20,000 դահեկան անձամբ կը բերէ Ս. Յակոբի վանքը, իր հետ ունենալով բազմաթիւ ուխտաւորներ, և մասամբ կ'ազատէ զբաւի զրուած եկեղեցական անօթները: Հաճութեամբ Դաւիթ պտրքի. պետական ուժով վանքին սենեակներէն զուրս հանել կուտայ այն Մերտինցիները որոնք բռնի գրաւած ըլլա-